

दूर्वेष्टकामुपदधाति । प्रजापतेर्विस्रस्तस्य यानि लोमान्यशीयन्त ता इमा ओषध-
योऽभवन्नथास्मात्प्राणो मध्यत उदक्रामत्तस्मिन्नुत्क्रान्तेऽपद्यत ॥ ११ ॥ सोऽब्रवीत्
। अयं वाव माधूर्वीदिति यदब्रवीद्धूर्वीन्मेति तस्माद्धूर्वा धूर्वा ह वै तां दूर्वेत्या-
चक्षते परोऽक्षं परोऽक्षकामा हि देवास्तदेतत्क्षत्रं प्राणो क्षेप रसो लोमान्य-
न्या ओषधय एतामुपदधत्सर्वा ओषधीरुपदधाति ॥ १२ ॥ तं यत्र देवाः समस्कुर्वं
। स्तदस्मिन्नेतं प्राणं रसं मध्यतोऽदधुस्तथैवास्मिन्नयमेतदधाति तामनन्तर्हितां
स्वयमातृष्णाया उपदधातीयं वै स्वयमातृष्णानन्तर्हितास्तदस्याऽओषधीर्दधात्युत्तरा-
मुत्तरास्तदस्याऽओषधीर्दधाति सा स्यात्समूला साग्रा कृत्स्नतयि यथा स्वयमातृष्णा-
यामुपहिता भूमिं प्राप्नुयदिवमुपदध्यादस्यां क्षेवैता ज्ञायन्तऽइमामनु प्ररोहन्ति
॥ १३ ॥ काण्डात्काण्डात्प्ररोहन्ती । परुषः-परुषस्पर्तीति काण्डात्काण्डाद्धेषा पर्व-
णाः-पर्वणाः प्ररोहत्येवा नो दूर्वे प्रतनु सहस्रेण शतेन चेति यथैव यजुस्तथा
बन्धुः ॥ १४ ॥ या शतेन प्रतनोषि । सहस्रेण विरोहसीति शतेन क्षेपा प्रतनो-
ति सहस्रेण विरोहति तस्यास्ते देवीष्टके विधेम हविषा वयमिति यथैव यजु-
स्तथा बन्धुर्द्वाभ्यामुपदधाति तस्योक्तो बन्धुः सादयित्वा सूददोहसाधिवदति तस्यो-
क्तो बन्धुः ॥ १५ ॥ अथ द्वियजुषमुपदधाति । इन्द्राग्नीऽअकामयेतां स्वर्गं लोक-
मियावेति तावेतामिष्टकामपश्यतां द्वियजुषमिमांमेव तामुपादधातां तामुपधायास्यै
प्रतिष्ठायै स्वर्गं लोकमैतां तथैवैतद्यजमानो यद्वियजुषमुपदधाति येन रूपेण य-
त्कर्म कृत्वेन्द्राग्नी स्वर्गं लोकमैतां तेन रूपेण तत्कर्म कृत्वा स्वर्गं लोकमयानीति
सा यद्वियजुर्नाम द्वे क्षेतां देवतेऽअपश्यतां यद्वै द्वियजुषमुपदधाति यजमानो
वै द्वियजुः ॥ १६ ॥ तदाहुः । यदसाविव यजमानो योऽसौ हिरण्यमयः पुरुषोऽथ
कतमदस्येद् रूपमिति दैवो वाऽअस्य स आत्मा मानुषोऽयं तद्यत्स हिरण्यमयो
भवत्यमृतं वाऽअस्य तद्रूपं देवद्रूपममृतं हिरण्यमथ यदि यं मृदः कृता भवति